

SAKSPAPIR

Saksnr	Utval	Type	Dato
044/22	Formannskapet	PS	04.05.2022
047/22	Heradsstyret	PS	11.05.2022

Saksbehandlar	ArkivsakID
Linda Judith Svidal Nordås	22/838

Busetting av flyktningar 2022: Prosjektskildring

Rådmannen sitt framlegg til vedtak:

Orienteringa vert teke til vitande.

Formannskapet - 044/22

FS - behandling:

AVRØYSTING:

Rådmannen sitt framlegg til vedtak vert samrøystes vedteke

FS - vedtak:

Orienteringa vert teke til vitande.

Heradsstyret - 047/22

HS - behandling:

Framlegg og avrøysting kjem fram av voteringsprotokoll som ligg nedst i samla møteprotokoll.

HS - vedtak:

Orienteringa vert teke til vitande.

Saksopplysningar:

Saksopplysningar:

Grunna krigen i Ukraina, har Osterøy kommune sagt seg villig til å busette minimum 65 flyktningar i 2022. I Heradsstyremøte 6. april vart det gjort følgjande vedtak: «*Rådmannen kjem tilbake til heradsstyret i neste møte med ei oversikt over kva ein treng av midlar utover ramma i driftsbudsjettet til å ruste opp oppvekstsektoren, NAV og eining for psykisk helse og rus*». Å legge fram eit kvalitetssikra budsjett på den tida som er til rådvelde mellom 6. april og skrivefrist for møtet 11. mai, er ikkje mogeleg. Vi har per i dag berre ei framskriving på inntekt og utgifter, og ber om tid til junimøtet for å legge fram eit endeleg budsjett.

Det er planlagt ein auke i stillingar som tilsvarer *inntil* 15 prosjektstillingar. Det er eksempelvis ikkje avklart om OIL treng miljøarbeidar på fulltid, om NAV vil ha behov for 2 eller 3 stillingar på hausten,

eller kva behov samfunnsutvikling vil ha for å følgje opp bustadane. Stillingane i skule og barnehage må tilpassast tal barn i dei ulike aldersgruppene. Stillingane fordeler seg slik:

Tenesteområde	Tal stillingar	Innhald
OIL	3	Norsklærar, prosjektleiar/introrettleiar og miljøarbeidar.
Skule	3	Leiar for introduksjonstilbod, 1, 5 lærarstilling, 1 tospråkleg medarbeidar.
Barnehage	3	1 barnehagelærar, 1 fagarbeidar, 1 tospråkleg medarbeidar
NAV	3	Jobbspesialist, sosionom
Rus og psykiatri	0,5	Psykiatrisk sjukepleiar
Helsestasjonen	0,5	Helsesøster
Biblioteket	1	Ungdoms- og idrettskonsulent (delfinansiert av BUFDIR-midlar)
Samfunnsutvikling	1	Miljøvaktmeister/bustadforvaltning

Dette er ein stor stillingsauke. Samtidig viser første framskriving at det er 2 til 3 millionar til overs dersom vi buset 65. Det gjev oss eit heilt nødvendig rom til å kunne styrke einingar der behovet viser seg å komme, eventuelt å flytte nokre av midlane til 2023.

Framskrivingane viser at for å kunne behalde disse midlertidige stillingane i 2023, er vi avhengig av eit relativt høgt busettingstal i 2023 og at dei vi buset i 2022 beheld status som flyktningar.

Bakgrunn

Siste store flyktningstraum til Norge var i perioden 2014 – 2016. Den overordna erfaringa frå denne perioden viser at det ikkje er økonomisk hensiktsmessig å bygge eit prosjekt kun mot målgruppa «flyktningar», fordi prognosane for busetting endrar seg fort. Prosjektet sine effektmål er difor langsiktige tiltak der nokre tiltak kjem alle innbyggjarar til gode, medan andre er langsiktige endringar som skal kunne vere varige uavhengig av om kommunen busett 10 eller 100 flyktningar. Disse måla skal ikkje nåast i prosjektperioden.

Resultatmåla er dei tiltaka som er nødvendige for å handtere ein brå og uventa auke i tal personar som skal busettast. Disse har eit kortsiktig perspektiv med sluttdato 31.12.22. Uavhengig av busettingstal i 2023, skal ein då kunne gå over i ordinær drift.

Prosjekt mål

Effektmål	· Sikre at barn og unge ikkje vert hindra i å delta i fritidsaktivitetar grunna dårleg økonomi. · Osterøy bibliotek skal vere ein lågterskel og naturleg møteplass for innbyggjarane på Osterøy. · I Osterøy kommune blir det lagt til rette for inkludering i arbeid, skule, barnehage og fritid. · God kompetanse i organisasjonen med tanke på kvalifisering til utdanning og arbeid for vaksne innvandrarar. · God kompetanse i organisasjonen med tanke på traumebasert omsorg.
Resultatmål	· Sikre system for tilstrekkeleg tilgang på barnehageplassar tilpassa busettingstal. · Opprette introduksjonsklasse i Grunnleggande norsk for

	minoritetsspråklege barn. · Opprette BUA/Utstyrssentral (utleige av fritidsutstyr). · Lage nye rutinar på tvers av sektorar, tenesteområde og einingar, for busetting av flyktningar som handterer årleg busetting mellom 10 og 100 personar. · Sikre beredskap for busetting av flyktningar mellom anna med tanke på bustader, legetenester, psykisk helse, bistand til omsetjing av praktisk informasjon, rutine for bruk av tolk, fastlegetilgang, bistand utanfor kontortid m.m.
--	---

Vurdering

Administrasjonen har formulert effektmål og resultatmål, og basert på disse jobbar ein med å få på plass eit budsjett samtidig som ein styrker nøkkeltjenestene.

Folkehelse: Ikkje vurdert.

Miljø: Ikkje vurdert.

Økonomi: 2022 ser ved første framskriving ut til å kunne gå greitt, men 2023 er prega av høg grad av uvisse.

Konklusjon

Saka vert teke til vitande i påvente av kvalitetssikra budsjett.